

周叔弢先生六十生日紀念論文集



類號	96.1
卷號	10934

敬以這本紀念論文集祝賀

三舅父
父親
的六十生日，並向撰文和題簽的

先生們致誠懇的謝意！

周珏良

孫師匡

孫師白謹識
一九五〇年七月

周一良

周良良



目錄

魏鶴山與孫愐唐韵·····	丁聲樹(一)
明毛氏寫本書目·····	王文進(五)
論唐朔方軍·····	王永興(二三)
楚族故地及其遷移路線·····	王玉哲(三五)
太公家教考·····	王重民(六九)
王羲之父兄考·····	王遜(七七)
北京訪書記·····	玉鍾翰(一〇一)
唐代紀載南詔諸書考略·····	向達(一〇九)
四庫提要辨證未刊稿(東觀漢記)·····	余嘉錫(一二九)
三論師遺說考緒言·····	周叔迦(一四七)
北魏的佛教與政治·····	周祖謨(一五九)
關索考·····	周紹良(一六五)
記根本說一切有部律梵文原本的發現·····	季羨林(一七七)

久要不忘平生之言解	俞平伯 (一八三)
輯殷芸小說並跋	唐蘭 (一九一)
理學問答研究	馬堅 (二二一)
敦煌寫本雜鈔跋	張政烺 (二五一)
書唐才子傳康洽傳後	陳寅恪 (二五九)
世本考略	陳夢家 (二六三)
雲烟過眼新錄	趙萬里 (二七一)
補後漢書高誘傳	齊思和 (二八七)
吳承恩年譜	劉修業 (二九一)
題歸來草堂錄	鄧之誠 (三二一)
徐賁倣巨然山水長卷	鄧以蛰 (三三三)
黃山谷詩補註	錢鍾書 (三四一)
漢代畫象考 (上編)	謝國楨 (三四五)
檢書偶記	顧廷龍 (三九五)
司馬談作史考	顧頡剛 (四〇九)
三自性論	金克木譯 (四一五)
世親菩薩造	

魏鶴山與孫愐唐韻

讀王國維記魏鶴山唐韻後序質疑

丁聲樹

王國維觀堂別集後編，記魏鶴山唐韻後序（此據羅振玉印海寧王忠愍公遺書本。商務印書館印海寧王靜安先生遺書，此文編在觀堂別集卷一，題「魏鶴山唐韻後序書後。」）遂錄魏鶴山唐韻後序全文，論之曰：

據此序知魏氏得唐韻後，但以行世之禮部韻略校其異同，未檢廣韻集韻，故不知唐韻爲孫愐書，而有孫愐叔文校定今本增加書字之說。又可知魏氏藏本前奪孫愐序也。

聲樹案，孫愐唐韻，言小學者所習知，兩宋人書中時見援引。魏鶴山南宋名儒，覃思經義，留心字學，不應於唐韻爲孫愐之書了無所聞，必待檢視廣韻集韻而後知之。王氏謂魏氏「不知唐韻爲孫愐書」，以常情度之，已甚可疑。且今所見鶴山著述道及孫愐唐韻者亦不一而足。鶴山經外雜鈔卷一（寶顏堂秘笈本）鈔錄李燾說文解字五音韻譜序兩篇，魏氏跋其後云：

夫字有六體，而編次檢閱必本形聲。說文解字，玉篇，類篇，始一終亥，則其形也。廣韻，集韻，始東終法，則其聲也。說文解字及玉篇時，未有韻書。許氏之書元無反切，後人漸加附益。至徐鼎臣等被旨校正，始以孫愐唐韻音切爲定。

又云：

說文解字韻譜十卷，自有反切，不全用孫愐唐韻反切。繫傳四十篇今行於世者，每說文解

字一卷，釐爲二卷，共二十八卷。朱黼反切，不用孫愐唐韻。

此一跋中三言孫愐唐韻。又經外雜鈔卷二，「說文，攷，詞也」條下云：

沈休文顧野王以來始有反切見之於書，不知二子所著耶，或後人加之也。（鑿園案反切不始於沈休文顧野王，鶴山此言非是。）至陸氏經典釋文，孫愐唐韻，則反切詳矣。

此條之末有小注云：

陸釋，孫韻，反切方詳。

「孫韻」亦謂孫愐唐韻。此條又兩言孫愐唐韻。是經外雜鈔一書中鶴山已五言孫愐唐韻矣。又鶴山先生大全文集卷三十四（四部叢刊景印宋本），答遂寧李侍郎書云：

大抵始一終亥，其形也；始東終法，其聲也。許叔重元無反切，後人漸加附益。至徐鼎臣始以孫愐唐韻音切爲定。

又同書卷一百九至十，師友雅言亦云：

字書始一終亥，其形也；始東終北，其聲也。許叔重元無反切，後人漸加附益。至徐鼎臣始以孫愐唐韻音切爲定。

此又兩言孫愐唐韻。已上凡七言孫愐唐韻。然則唐韻之爲孫愐書，魏氏固熟知而屢屢言之，不得謂其不知唐韻爲孫愐書也。鶴山全集，王氏當日未見。其所記唐韻後序乃劉承幹自宋本鶴山全集中寫出寄示者。集中所言孫愐唐韻二事，王氏自無由知。然經外雜鈔在寶顏堂祕笈中，初非罕見之書，王氏竟未檢照，可謂失之眉睫之前矣。

王氏所據者魏氏唐韻後序之數語。案鶴山先生大全文集卷五十六，吳彩鸞唐韻後序，其末云：

若夫孫愐叔文較之今本亦有增加書字處，要皆以此本爲正。

四部叢刊景印宋本（即劉承幹所藏宋本）文字如此。謝啓昆小學考卷二十九，「孫氏愐唐韻」條引魏氏後序，此數句文字亦同。王氏所錄後序，「較之」誤爲「較定」，讀爲「校定」，遂解爲孫愐校定今本，謂魏氏

不知唐韻爲孫愐書，而有孫愐叔文校定今本增加書字之說。又可知魏氏藏本前奪孫愐序也。此由誤讀魏氏後序，故所言皆未確。「叔文」二字，王氏無說。余謂「叔」當爲「敍」，字之誤也。「敍」或作「叙」，「叔」或作「叙」，字形相近，故「敍」譌爲「叔」。鶴山先生大全文集卷五十一，臨川詩註序，「屬某敍所以作，乃書以授之」。此「敍」字四部叢刊本亦誤爲「叔」，是其例。（宋本鶴山全集卷五十一缺，四部叢刊本此卷據安氏本。）「叙」與「序」同。「叙文」即「序文」。「孫愐叙文較之今本亦有增加書字處」，言所得唐韻寫本，不僅韻次升降，部注清濁，有異於今本，其卷首孫愐序文亦視廣韻所載者有增加書字處也。近檢文津閣四庫全書本鶴山集，第二十四冊，卷五十六，吳彩鸞唐韻後序，葉四上，此數語正作：

若夫孫愐叙文較之今本亦有增加書字處，要皆以此本爲正。

「叙文」不作「叔文」，可證愚說之非誣矣。據此知魏氏藏本唐韻前實有孫愐序，王氏以爲奪之者非也。又可知魏氏亦曾以廣韻與寫本校，故知孫愐序文書字有增於今本之處。王氏謂魏氏得唐

韵後但以禮部韵略校其異同，未檢廣韵者，亦非也。

魏氏所得唐韵其序文書字增於今本者果爲何處，今難質言。然亦有可以推度者。卞永譽式古堂書畫彙考，書類卷八，載項子京藏「唐女仙吳彩鸞書」孫愐唐韵序，與廣韵前所載者，字句亦有異同；且較之今本亦有增加書字處。如廣韵前孫愐序：

隨韵編紀，添彼數家，勒成一書，名曰唐韵。

此十六字，式古堂書畫彙考所載唐韵序作：

今加三千五百字，通舊總一萬五千文，其註訓解不在此數。勒成一家，并具三教，名曰唐韵。

共三十五字。魏氏所言增加書字之處蓋此類也。王氏不知「叙文」爲「叙文」之譌，又誤「較之」爲「較定」，故其推論皆謬矣。（王氏所見唐韵後序爲劉承餘所寫寄。「較之」譌作「較定」，或由當日鈔錄筆誤。頃檢同治甲戌望三益齋刊本鶴山文鈔，吳彩鸞唐韵後序在卷十七，「較之」亦誤爲「較定」。王氏亦成本此。）

後記

始余讀魏鶴山唐韵後序，即疑「孫愐叙文」一語中「叙文」二字當是「叙文」之譌；王國維謂魏氏不知唐韵爲孫愐書，又謂魏氏藏本前奪孫愐序，其言皆未必然。因檢鶴山著書，爲札記一條辨之，藏之行篋，十餘年矣。一九五零年七月二十四日借校北京圖書館藏文津閣四庫全書本鶴山集，「叙文」正作「叙文」，「較之」亦不作「較定」。深喜昔年懸揣今得滿證，遂取舊稿增訂如上，以求教於同好君子。一九五零年八月十六日，丁聲樹。

明毛氏寫本書目

王文進

明常熟毛晉字子晉。原名鳳苞，字子九。號潛齋，晚號隱湖老人。生於萬曆二十七年正月五日，即公元一五九九。卒於永曆十三年七月二十七日，壽六十一，即公元一六五九，爲清順治十六年也。著有隱湖小識、隱湖遺稿、隱湖唱和詩、海虞古今文苑、明詩紀事、明詞苑英華、明方輿勝覽錄、明僧弘秀集、昔友詩存、虞鄉雜記、救荒四說、宗譜、先賢香國、汲古閣題跋、未思錄。室名曰讀禮齋、載德堂、目耕樓、篤素居、綠君亭、續古草廬。其寫書板心作汲古閣，或欄外作毛氏正本。汲古閣藏書影宋元本者，無室名。所刻者，皆附室名。另有專目，不叙。其藏書所鈐多朱文，曰甲，曰元，曰宋本，曰毛鳳苞，曰毛子九讀書記，曰毛晉，曰子晉，曰毛晉私印，曰子晉秘本，曰毛氏圖史子孫永寶之，曰汲古閣，曰汲古主人，曰汲古閣藏書，曰汲古得脩綆，曰開卷一樂。雲自在龕隨筆云毛子晉小傳稱前後積書至八萬四千冊，購汲古閣目耕樓庋之。又某記中，許吟亭云，毛氏本有三閣，汲古閣在載德堂西，以延文士。其雙蓮閣在問漁莊，以延縉流。一俗呼爲關王閣，在曹溪口，以延道士者。又有一滴菴，爲潛在父子焚脩處。有偶聯爲新城王士禎書，云三千餘歲上下古，八十一家文字奇。江熙掃軌閒談云，毛潛在先生晉家隱湖，創汲古閣，刻經史書。後有樓八間，藏書板者。樓下及廂廊俱刻書所。閣四維有綠君亭二如亭，招延名士校書於中。其第四子斧季毛扆最知名，補刻書百種。余按汲古閣秘本目所載鈔本一百十種，

其外見於各家者百有三十。輯爲專冊，并注流略。今夏曆六月十三日爲至德周叔弢先生六十正慶，書此祝壽無量。 公元一九五零年庚寅七月二十七日任邱晉卿王文進拜識

李鼎祚易解 宋板影鈔十本 見韻宋樓作十卷

關氏易傳 精鈔一本 按天一閣本作北魏關朗一卷

繁辭精義 宋板精鈔二本

十二先生論語集義 精鈔五本

五經文字 宋板精鈔二本 見宋存室按叢書樓覆本作唐張參三卷

九經字樣一卷 宋板精鈔一本 同唐唐元度

張狀元孟子傳 宋板精鈔八本 見天祿琳鄉作宋張九成二十九卷七本云影宋廖氏本又邵亭知

見作半葉十四行二十五字左欄外附篇名

六經正誤 宋板影鈔一本 按邵亭嘉靖刊作宋毛居正六卷

唐明皇御注孝經 宋板影鈔一本 見結一廬作三卷按汪士鍾刻注疏本附釋文一卷云據毛鈔本

補刊

皇宋書錄 宋板精鈔一本

法書通釋 張紳精鈔一本

法帖釋文攷異 精鈔二本 按明顧從義本十卷

金帝記

宋釋適之

影宋精鈔一本

見浙江採進三卷近汪石環得於日本

增廣鐘鼎篆韻

七本

云楊鉤字信文從文淵閣鈔價大費十四兩按邵亭作元臨江楊鉤集七卷一

作楊筠

張有復古編

宋板影鈔三本

見拜經樓作二卷

正始之音

精鈔一本

學古編

元吾丘衍

棉紙精鈔一本

見採進作二卷又閒居錄一卷

純正蒙求

精鈔三本

按邵亭作元胡炳文三卷

王芮蒙求

元板精鈔一本

按叢刊預備目作歷代蒙求一卷

訓蒙集解

綿紙精鈔一本

鄭世子瑟譜

綿紙精鈔一本

義州李文如藏作十卷板心有汲古閣附黃丕烈手跋近武進陶氏影

行

國語二十一卷

五本云從絳雲樓北宋板影寫與世本大異即如首章昔我先王世后稷今時本脫王字

蓋言先王世爲后稷之官也此與史記合

文房四譜

宋板精鈔二本

見持靜齋作宋蘇易簡五卷

江南野史

宋板精鈔一本

按邵亭作宋龍袁十卷

唐國史補

宋板精鈔一本

按邵亭作唐李肇三卷

契丹國志

宋板影鈔四本

按汪士鍾影元本作宋葉隆禮二十七卷

孝史

宋板精鈔五本

按敏求記作宋謝諤五十卷凡君紀五后德一宗表四臣表三十五婦則二文

類二事附一

九域志十卷

宋板影鈔十本

見天祿琳瑯作宋王存

大唐西域記

綿紙精鈔四本

按玉蘭堂鈔本作唐釋玄奘十二卷

元經薛氏傳

宋板影鈔二本

按明覆本作隋王通薛收續阮逸注十卷

蜀鑑

宋板影鈔二本

按明覆本作宋郭允蹈十卷

槐刺錄

宋板影鈔二本

按天津李嗣香藏宋板作岳珂十五卷

兩漢詔令

宋板影鈔二本

見採進作宋林靈樞叻二十三卷

雲烟過眼錄

元人鈔影寫一本

按明本作宋周密四卷續錄一卷

酒經

宋板影鈔一本

吳興張葱玉藏作三卷宋朱翼中按酈宋樓又一書錢謙益手跋

禮經葬制

追遠錄

元板精鈔合一本

默記

宋王鍾字性之

宋板影鈔一本

按穴硯齋鈔作三卷鮑廷博鈔本一卷

續世說

從宋板鈔十本

按邵亭有影宋陳道人本作孔平仲十二卷

北戶錄

宋板鈔一本

見酈宋樓作唐段公路三卷

廣客談

精鈔一本

按袁褰小說本一卷

李涪刊誤

宋板影鈔一本

按百川本二卷

肯綮錄

趙叔向

精鈔一本

按鮑廷博鈔本作宋趙叔簡一卷

碧雲騷 精鈔一本 按顧氏文房本一卷

因話錄六卷 唐趙璘 精鈔二本

清波雜誌十卷別志三卷 宋周暉 宋板精鈔四本

雲麓漫鈔十五卷 宋趙彥衛 宋板影鈔六本

能改齋漫錄 宋吳曾 十六本云從內閣宋板鈔出原缺第二卷今焦弱侯先生藏本完全者以第一

卷後半偽作第二當以此本爲正

玄中記 精鈔一本 按邵亭作元中記一卷郭璞

玉泉子 精鈔一本 按邵亭不著撰人一卷

玉照新志 精鈔一本 按邵亭作宋王明清六卷云山塘汪氏影元本五卷

西溪叢語 宋姚寬 精鈔二本 邵亭作三卷

醉翁談錄 宋板影鈔二本 按趙魏鈔本作宋金盈之五卷

補漢兵志 宋板精鈔一本

虎鈴經 綿紙精鈔四本 按天一閣本作宋許潤二十卷

甲乙經 宋板影鈔六本 按正統本作晉皇甫謐十二卷

女科書 竹紙鈔八本

本草注節文 宋板影鈔四本

醫學燈傳 竹紙鈔十本

石藥爾雅

精鈔一本

按明本作唐梅彪二卷

一行神光經

精鈔一本

農書蠶書

宋板精鈔合一本

按曹躋寫本作宋陳敷三卷又秦觀一卷

戰國策

高誘註

三本

從絳雲樓北宋本影寫與鮑注本大不同見四庫著錄三十三卷

漢官儀

宋板影鈔

見北京館又天祿宋板作劉敞三卷十行十六字

仙苑編珠

精鈔二本

歷代兵制

宋板精鈔二本

顏氏家訓七卷考證一卷

宋板精鈔本

見汪士鍾影鈔本作北齊顏之推卷末附琴式木記

賈誼新書

宋本鈔出一本

按明刻宋潭州本作十卷

墨子

宋板影鈔一本

按明本作周墨翟十五卷

潛虛

宋板影鈔一本

天一閣本作宋司馬光一卷

大六壬管氏神書

楷鈔一本

道德經

河上公注

宋板影鈔一本

按明本作二卷

木天禁語

元范梈

綿紙精鈔一本

高翰生注作木天葉語一卷

文章善戲

元人鈔本影摹一本

按甌宋樓作宋鄭持正一卷云影寫宋刊汲古舊藏

文則

元板精鈔一本

按弘治本作宋陳騭二卷

武林舊事十卷

精鈔四本云六卷第十四葉以前世有刻本十五葉以後至十卷秦西岩從內閣鈔傳今

寬善本通本精鈔又見日本羽陵餘譚云影元鈔

錢果之注離騷

宋板影鈔一本

邵亭作離騷集傳一卷

初唐四傑集

宋板影鈔一本

陰堅何遜集

元人鈔本鈔出合一本

按邵亭明本作陰常侍何水部集各爲一卷

謝宣城集五卷

宋板精鈔一本

德化李木齋藏按邵亭作齊謝朓

鮑參軍集十卷

宋板影鈔二本

見楹書隅錄又溇陽張氏藏

李太白集

四本云從絳雲樓北宋板寬舊紙延馮寶伯影寫原缺一本 按宋蜀本三十卷

杜工部集二十卷

十本云先君當年借宋板影鈔乃王原叔本也見函宋樓今无悔齋得之寓目其首序

爲宋刻二葉

王右丞文集

宋板影鈔四本

見天祿按邵亭作王摩詰集十卷

高常侍集

宋板精鈔二本

四庫著錄作唐高適十卷按邵亭云多絕句一卷

錢起詩集

精鈔一本

按明活字本作錢考功集十卷

溫飛卿詩集

宋板影鈔一本

按汲古閣刻本作金荃集七卷別集一卷

笠澤叢書

精鈔二本

按邵亭作唐陸龜蒙四卷補一卷云許槿刻宋本七卷

王黃州小畜集三十卷

宋板影鈔八本

葉石林奏議十五卷

宋影板鈔四本

長白鳳禹門藏作宋葉夢得經文友堂流入日本

臺閣集

宋板影鈔一本

見薊圃題識按汲古刻本一卷

王盧溪集 宋板影鈔十本 按嘉靖本作宋王庭珪五十卷

穆伯長集三卷 宋程脩 精鈔一本

河南先生集二十卷 宋尹洙 竹紙鈔六本

慶湖遺老集十卷拾遺一卷補遺一卷 竹紙鈔四本

巽齋小集一卷 宋危慊 清逸小集一卷 宋葉紹翁 宋板影鈔合一本

玉笥山人集 精鈔四本 按洪武本作元鄧雅玉笥集十本

霞外詩集 精鈔二本 按汲古刻本作元馬臻十卷

方是閒居士集 精鈔二本 按彭元瑞鈔本作宋劉學箕二卷

曹文貞公集 精鈔四本 雁影齋云漢泉漫稿十卷附錄一卷有張起岩呂思誠序余得後五卷歸孔

德簡

天下同文 精鈔二本 見江寧鄧效先藏作前甲集五十卷按中央館云影元大德本又鐵琴有一卷

本見高亭云元周南瑞云蘇沙本作四十四卷

二妙集 宋板精鈔一本 按邵亭有金段成已段克已二妙集八卷云成化脩元本

衆妙集 宋板精鈔一本 按汲古刻本一卷

唐僧弘秀集 宋板精鈔二本 武進陶蘭泉有宋陳道人本十卷

九僧詩 宋板精鈔一本 德化李木齋藏又見黃跋按卽園志又無一書附補遺

趙孟奎分類唐詩 宋板精鈔十本 臨清徐梧生藏存七本有毛展跋歸至德周氏又副本九冊歸東

方館其原本百卷不傳

古文苑 宋板影鈔二本 見番禺潘明訓藏作九卷今見天祿宋淳熙本刊名李敦不缺筆

娛書堂詩話二卷 趙興臧 竹紙鈔一本

環溪詩話三卷 吳沆 竹紙精鈔一本

西清詩話三卷 無爲子 綿紙精鈔一本

歸田詩話三卷 瞿佑 竹紙精鈔一本

樂府古題要解一卷 吳兢 綿紙精鈔一本

新刊張小山北曲樂府 精鈔二本 按愛日廬附外集一卷又鐵琴有樂府補遺一卷

花間集十卷 蜀趙崇祚 宋板影鈔二本 潘明訓藏

絕妙好詞七卷 宋周密 精鈔二本 長洲章式之藏

宋詞一百家 未曾裝訂云未刊四十家

元詞二十家 精鈔未訂 彭氏知聖道齋有宋元詞二十二帙題曰汲古閣未刻詞行款同已刻者云

得於謙牧堂藏書中又藏李西涯輯南詞宋元人小詞合此三書於六十外可得六十二家安得好事者

刊爲後集又見抱經樓有毛晉編稿本詞海評林無卷數

增編

周易九卷略例一卷 影鈔宋岳氏本 見愛日按邵亭作周易注十卷半葉八行十七字每卷附相臺